



**Claudii Fleurii Abbatis Historia Ecclesiastica**

Ab Anno Christi 1312 Usque Ad Annum 1351

**Fleury, Claude**

**August. Vind. [u.a.], 1767**

**VD18 9011826X**

§. 48. Partes Ludovici Bavari se Papæ submittunt.

---

[urn:nbn:de:hbz:466:1-66305](#)

tur nulli. Quocirca mandabat Episcopis, Sæcul. XIV.  
ut curarent in templis sub fulminis Ro- A.C.1348.  
mani poena edici, ne quis Judæos occide-  
ret, aut verberaret; sed si quis cum Ju-  
dæo haberet controversiam, in jus eum  
vocaret. At istæ inhibitiones non impe-  
diebant, quin illæ violentiæ sequente an-  
no continuarentur, præfertim in Ger-  
mania.

### §. XLVIII.

#### *Partes Ludovici Bavari se Papæ submittunt.*

**M**ors Ludovici Bavari sustulit pleras-  
que difficultates, quæ Carolo Lu-  
xemburgio obstiterant, ne agnosceretur  
Imperator. Sed una maximarum fuit  
forma absolutionis a censuris, in quas in-  
curserant Ludovici partes. Quinto de-  
cimo Februarii an. 1348 Papa Balduino  
Trevirensi Archiepiscopo misit exemplar  
professionis fidei ac juramenti, recitan-  
dum iis, qui absolvi cuperent. Illius  
summa hæc erat: *Credo Imperatoris non  
esse, ut Papam gradu moveat, eligat-  
que alium: sed id habeo pro hærefi.  
Præterea juro me fideliter obtemperatu-  
rum Ecclesiæ ac SS. Domino nostro Pa-  
pæ Clementi VI, & speciatim in iis, quæ  
statuerit de rebellionibus, aliisque noxis,*  
*quas*

Sæcul. XIV. quas commisi, ac de poenit. in quas in-  
A.C. 1348. curri. Obediam Carolo Romanorum  
Regi per Ecclesiam approbato. Ludovicus viduæ ac liberis, quamdiu in sedi-  
tione perstabant, non adhaerebo, nec ul-  
lam opem feram. Denique nullum dein-  
ceps agnoscam Imperatorem, quem Ec-  
clesia non confirmaverit.

*Aib. Arg.  
p. 142.*

*p. 143.*

Simile mandatum Papa Bambergensi Episcopo misit per Præpositum hujus Ecclesiæ Marquardum Randecium: qui Avenione rediens Basileæ incidit in Imperatorem Carolum huc delatum eodem die 20 Decembris præcedente festum S. Thomæ. Carolus mandatum mox Episcopo Bambergensi, cui hoc Papa inscripferat, & Argentinæ, Wirzeburgi, ac Basileæ Præsulibus (nam omnes quatuor hac in urbe aderant) afferri jussit. Sed forma ejurationis dura videbatur: & quidam Carolo authores erant, ut ne illam acciperet, sed occultaret; & aliam a Papa posceret. Timebatur, ne Basilea renueret Imperatori jurare fidem, nisi tolleretur interdictum: proin mandatum fuit exhibendum. Urbanus Prætor cum Consulibus se sistebat Carolo ac Episcopis; & Bambergensem alloquens Germanice ajebat: Nos, ut scias, sentimus aliter; neque credimus demortuum Imperatorem Ludovicum fuisse unquam hæreticum. Romanorum Regem, sive Im-  
pera-

peratorem agnoscemus illum, quem Ele- Sæcul.XIV.  
 ctores cuncti, vel plures numero nobis de- A.C.1348.  
 derint; etiam si confirmationem nunquam  
 a Papa peteret: nec aliud unquam  
 contra jura Imperii ullo agemus modo.  
 At si Papa tibi fecit copiam remittendi  
 nobis omnia peccata nostra, absolvit cu-  
 pimus. Tum ex consensu populi Præ-  
 tor idem & alius quidam Eques jusju-  
 randum cum mandato congruens dixe-  
 runt præsente Joanne Pistorino Papæ  
 ministro a Secretis. Ita sublatæ sunt  
 censuræ: atque solitum cives jusjurandum  
 Imperatori dabant: qui Basileensi  
 Episcopo, & Abbatи Murbacensi fundos  
 possidendos tribuit. Christi natali die  
 Imperator in sacrificio sub primam auro-  
 ram Evangelium contenta legit voce nu-  
 datum manu gladium tenens, ac divinam  
 suscepit dapem. Postero die S.Stephani  
 Basilea discessit.

Interea Principes Carolo adversan- p. 150.  
 tes Guntherum Schwarzenburgium Thu-  
 ringiæ Comitem bellicis laudibus abun-  
 dantem, qui Henrico Moguntino Archie-  
 piscopo, ipsique Imperatori Ludovico Ba-  
 varo servierat, ut Imperii clavum accipe-  
 ret, oraverunt. Recusabat initio: at de-  
 nique consensit, si Principes & Optima-  
 tes Francofordiæ palam & aperte Impe-  
 rium vacans declararent; & ipse per ma-  
 jorem Electorum partem cooptaretur.

Et

**Sæcul. XIV.** Et vero Guntherum die Lustratae Virginis 2 Febr. 1349 Henricus Moguntinus

A.C. 1349

Archiepiscopus, Ludovicus MarchioBran-deburgicus, Rudolphus Comes Palatinus Rheni, ac Henricus Saxoniae Dux Regem elegerunt; atque post sex hebdomades recepit Francofordia. Ibi 10 Martii composuit edictum hujusmodi: Anteceffor noster Imperator Ludovicus felicis memoriæ legem tulit, ut ille, qui Francofordiæ per Electores aut majorem eorum partem cooptatus esset in Regem Romanorum, plenam Imperii administrationem haberet ante Papæ confirmationem. Hanc legem de consilio nostrorum Principum facrorum profanorumque per edictum præsens renovamus & ratum facimus: irrita simul declaramus omnia acta contraria, nominatim decreta Paparum quippe repugnantia doctrinæ Christianæ & Apostolicæ: cum omnes leges divinæ & humanæ Papam ipsum submittant Imperio: sed Imperator profanis in rebus nec Papæ, nec ulli in terra homini sit obnoxius.

*Alb. Arg.*

p. 151.

p. 152.

Guntherus Francofordiæ continenter commorans ineunte Majo decubuit æger, ac medicinam sumpfit, quæ veneno infecta credebatur: quia medicus, qui eam prægustaverat, intra triduum decepsit; & Guntherus ipse mox inflatus usum manuum, quarum nervi contrahebantur, perdi-

perdidit. Itaque transegit cum Carolo, Sæcul. XIV.  
cui suum jus ad Imperium cessit, & A.C. 1349.  
post mensis spatium e vita demigravit.

Pactonis hujus author fuit Ludovi- *H. Rebdorf.*  
cus Bavarus extincti Imperatoris filius *p. 435.*  
natu major, tunc ab Imperatore Carolo  
confirmatus in possessione marchiæ Bran-  
deburgicæ a patre suo fibi tradita. Cu- *Dubat. 22.*  
jus rei causa Carolo dabat reliquias, quas *p. 181.*  
Imperatores suis successoribus destinare  
confueverant; nempe gladium Caroli  
Magni, hastam, qua Longinus fixerat  
Christi pectus, crucis dextrum latus cum  
uno clavo, & mantile, quod ad dominica-  
cam Coenam adhibitum ferebatur. Re-  
liquiae istæ maximo erant in pretio.

Interim 18 Martii Papa duobus Ar-  
chiepiscopis Balduino Trevirensi, & Ger-  
laco Moguntino mandatum misit simile  
illi, quod ante annum eidem Balduino ac  
Episcopo Bambergensi miserat. Sed  
Moguntinis, qui errasse se in fide confite-  
ri solebant, ejurationis formulam nimis  
acerbam reputantibus, Carolus Imperator  
Papam rogavit, ut mitiorem præscribe-  
ret. Qui 6 Junii respondit, non facile  
mutandam esse illam formulam Joannis  
XXII tempore compositam & observatam:  
se tamen cum Cardinalibus hac de re  
consultaturum.

### §. XLIX.